



BIBLIOTHECA
UNIV. JAGELL.
CRACOVENSIS

39077

Aug. 5. Dec.

Kalkomp.

1



39077

I

Biblioteka Jagiellońska



stdr0000271



39077

P

Polonia.

1641.

Teol. 2759

*Brosii Joannis. Sermo habitus in Syn-
do provinciali Luccorienti.*

Cracoviae. 1641.

K 205 10/68
kal monaster

S E R M O
IOANNIS BROSCII,

Philosophiæ ac Medicinæ Doctoris,
S. Theol: Baccalaurei, Parochi
Medirecensis.

H A B I T V S

In Synodo Prouinciali Luceoriēsi.

I V S S V

Illustriss: & Reuerendiss: Domini,


D. ANDREÆ GĘBICKI,

Dei & Sedis Apostolica Gratia

EPISCOPI LVCEORIENSIS.



C R A C O V I Æ,
In Officina Andrea Petricouij, S. R. M. Typographi.
Anno Domini, 1641.



S E R M O

R. D. I O A N N I S B R O S C I I,
Philosophiæ & Medicinæ Doctoris, S. Th: Bacalau-
rei, Parochi Medirecensis.

Messis multa, Operarii pauci. Matth. 9. Luc. 10.

EXpectatus hic dies, & bonis omnibus, ab annis propè vi-
ginti, hoc loco exoptatus illuxit, Illustrissime & Reueren-
dissime PRÆSVL, Admodum Reuerendi Domini Prælati,
Canonici, Parochi, ceteriq; Auditores ornatissimi: quo ex latè
patente Diœcesi Luceorienti, à Luce quidem nomen habente, te-
nebrarum tamen potestate magnâ parte oppressa, flos ex omni
catu Sacerdotum, ad Cathedralem hanc Ecclesiam conuenistis,
Consilium in commune collaturi, de pietate, quæ magnâ parte
in his oris afflicta, & vix non profligata iacet, in animis homi-
num, exitiabili opinionum varietate dissectis ac dissolutis, ex-
citanda. Quæ de re cùm sermonem instituere conueniat, mihiq;
hoc munus impositum sit, vereor magnopere, vt iustam repre-
hensionem euitare queam. Paruulus sum in Sanctæ Matris Ec-
clesiæ, & amplissimæ istius Diœceseos gremio; Fratres mei spe-
ciosi & magni, complaceat in illis Dominus. Quæ igitur vel au-
dacia, vel temeritas, in tanto confesso, apud viros, doctrinâ, pie-
tate, & vfu maximarum rerum præstantes, de rebus maximis, ver-
ba facere? Non potui rectè Illustrissimi & Reuerendissimi Domi-
ni, cuius salutari consilio sumus congregati, Præsulis mei bene-
ficentissimi auctoritatem defugere. Quâ fit, vt veniam mihi, à vo-
bis, Patres Admodum Reuerendi, datam iri non disperem. Di-
cam autem, quàm potero paucissimis, de hoc ipso, quod in Sacro
Euangelio audiuitis, Christi Domini dicto: *Messis multa, Operarii
pauci.* Neq; hic à me expectetis, vt euoluam omnes Ciceronis
arèulas, omnia Demosthenis pigmenta, aut Isocratis myrorhe-



39077
I

etia: sufficient mihi ex Psalmis & Prophetis Eloquia Domini, eloquia casta, argentum igne examinatum, probatum terræ, purgatum septuplum; atq; horum interpretibus Sanctis Doctoribus, testimonia: quæ dum illorum verbis breuiter refero, quælo vt me dicentem benignè audiat.

Quid igitur *Messis*? Cur *Operarij pauci*? Christus Dominus, cuius Pater, agricola est, vt ipse inquit, *Ioan: 15.* & qui, Sancto Augustino teste, secundum id, quod dicit: *Ego & Pater vnum sumus*: & ipse agricola est; circa missionem Apostolorum, vsus est metaphorâ, patribus familiâs & Agricolis familiari. *Messis multa, Operarij pauci.* Bis verò legitur vsurpasse hanc sententiam. Primò quidem, quando Dominus misit duodecim Apostolos in Galilæam, & reliquum Israël, ad prædicandum, vt refert *Matthæus cap: 9.* Erat enim tunc ipse, & præcursor Ioannes tantum; soli duo, pauci erant, ideo vtrâq; faciens vnum, binario in primum perfectum numerum multiplicato, quod etiam Sancti Doctores notant, misit duodecim. Quo numero, sæpè solet in Scripturis Vniuersitas designari, vt ait Beda Venerabilis. Nunc etiam aucturus numerum hunc, vt mitteret Prædicatores in Iudæam, eisdem vsus est verbis: *Luc: 10. Messis multa, Operarij pauci*: significans, etiam numerum Apostolorum, crescente iam fidelium multitudine, paucum, pluresq; Operarios esse necessarios. Assumpsit autem iara nunc, vt in Euangelio audiuitis, septuaginta duos, mystico numero duodenario, in eundem numerum, perfectum multiplicato, vt ostenderet multiplicationem istam, non esse in alio fundamento collocandam, quàm super Apostolorum & Prophetarum ipso summo angulari lapide Christo Iesv, super quo, reliquo sæculorum decursu, multi deuoti Religiosorum, Ordines, & sanctæ Societates, magnâ Ecclesiæ utilitate, fundatæ sunt. Et *Messis* quidem, ad quam tot operarij mittuntur, variè sumitur in Sacris literis. Nam primò intelligitur pro collectione eorum, quæ seminata sunt: quia igitur olim per primos Patriarchas & Prophetas, seminata sunt Iudæorum, genti multæ promissiones; ideo in aduentu Christi, *Messis* erat Iudæorum super quos appropinquabat Regnum Dei, si mens non læua, si cor non obduratum fuisset. Vel etiam *Messis*, intelligitur

tempus

tempus illud, quo Deus redditurus est vnicuiq; secundum opera sua: ita S. Paulus dicit: *Qui parce seminat, parce & mettet*; & S. Matthæus: *Messis, consumatio sæculi est; Messores autem Angeli.* Vniuersaliter autem *Messis* accipitur, pro ijs, ad quos mittebantur Apostolis; nempe non solum ad Ciuitates & Oppida Galilææ, verum vt significantius iuxta mentem SS. Doctorum, dictum Saluatoris referamus, quia solent Prophetæ, S. Gregorio teste, inspiratione Spiritus Sancti, omnia tempora, præterita, præsentia, & futura ante oculos habere: Christus Dominus, verus Deus & homo, supremus Prophetarum apex, qui temporum dat tempora, & qui locutus est per os Sanctorum qui à sæculo sunt Prophetarum, qui iureiurando promisit daturum se nobis, iam nunc dicit: *Messis multa, Operarij pauci*: vt ad hæc quoq; loca, ad hæc tempora referri non immeritò possit, ac omninò debeat. Ergo Metaphoræ sensus est, Numerus eorum qui reducendi sunt ad Ecclesiæ vnitatem, magnus est; numerus verò eorum, per quos credere debent, paucus. Sed antequàm videamus, quàm *Messis multa* apud nos sit, & quàm *Operarij pauci*: consideremus quæso, quarum benedictionum *Messis* tunc instabat Iudæis, & omnibus per Iudæos gentibus. Iam ablatum erat Sceptrum de Iudâ, iuxta Iacobi Patriarchæ Prophetiam; iam propè erat expectatio omnium Gentium; iam complebatur septuaginta hebdomades, à Daniele prædictæ: Iudæa tamen incredula, quiduis potius agebat, quàm vt se præpararet ad repromissiones accipiendas. Quid autem non egit Christus Dominus, vt cæcam illam Synagogam doctrinâ cælesti illuminaret, ad cognitionem visitationis suæ? *Quoties* (inquit cū lachrymis) *volui congregare vos, sicut gallina congregat pullos suos*? Hoc Sancti, Paulus & Barnabas, constanter Iudæis blasphemantibus obiecerunt. *Vobis oportebat primum loqui verbum Dei: sed quoniam repellitis illud, & indignos vos iudicatis æternæ vitæ, ecce conuertimur ad gentes.* Sic enim præcepit nobis Dominus: *Posuite in lucem Gentium: vt sis in salutem, usq; ad extremum terræ.* Illa seges demùm votis responderet auari Agricola (vtar Poëtæ verbis:) Cælestis Agricola auari, cuius delitiæ sunt, esse cum filiis hominum, qui desiderio desiderat Pascha cum illis manducare, seges est ex Gentibus, Iudæâ reprobata. Sed ecce & inter Gentes *Messis multa, Operarij pauci.*

Videamus enim, quæ Messis in Volhinia, vel vt omnia simul cōplectamur, in Polonia, & toto Sclauonico Septentrione. Ait Poëta: *Hinc mouet Oceanus, illinc Germania bellum.* Simile quid, quocunq; nos conuerterimus, cernere licet; Ab hac parte horrendum Schisma, Græcâ fide, hoc est, suspectâ & fallaci propagatur: quæ qualis sit, an Bogomiliana, de qua Euthymius, & alij; an Arianâ, vel Nestoriana, an ex Caluini, aliorumq; hæresiarcharû, turbidis fœcibus commistavix, constat.

Terra antiqua, potens armis, atq; ubere gleba.

Volhinia, excipit iam in *Kisielino* Raccouienles quisquilias, ex Cracouienfi Diœcesi laudabiliter eiectas, vt Arrij, Socini, Ochini, aliorumq; toto mûdo damnatos errores, & impietates, ab inimico superfeminatæ, hic excrescant. Non satis erat mali, à Græcorû inuictâ, & rationi non cedente, pertinaciâ: coniungendæ fuerunt aliæ infernales turmæ; vt Hæretici, licet inter se discordes sint, in oppugnanda tamen Ecclesia vnanimis esse solent. At de Græcis mox plura dicentur. Ab alia parte, Lesna, monstrum informe quoddam fouet, ex tempestate Bohemicâ appulsum ad fines Maioris Poloniæ, in qua olim ante Ducentos annos, Hussitica pestis exurebatur. Aiunt quidem illi: **NIHIL HIC LATERE MONSTRI:** At scitum illud est Iureconsultorum, Excusatio non petita, accusatio est manifesta. Suspectum enim est, dum ajunt: Finis non nisi in fine conspicietur, cum omnes artium Scriptores in Artium vestibulo, finem Artis supremum soleant proponere: vt Grammatica, est Ars loquendi: Rhetorica, Ars benedicendi: atq; ad hos fines, omnia earundem Artium præcepta referantur. Et primò quidem Ianuam Linguae Latinæ, à bonis Doctoribus acceptam, suoq; arbitrio immutatam, proponebant, vt singuli ingrederentur: nunc attendite, quo progrediantur, nescio cuius ædificij portarum, vt iam cateruæ ingrediantur, architecti: Ecce iam Sinonica fallacia exprimitur: Didactica magna, siue certus & exquisitus modus, per omnes alicuius Christiani Regni communitates, Oppida & vicos, tales erigendi Scholas, vt omnis vtriusq; sexus iuuentus, nemine vsquàm neglecto, literis informari, moribus expoliri, pietate imbui,

caq;

eaq; ratione intrâ pubertatis annos, ad omnia quæ præsentis & futuræ vitæ sunt, instrui possit. Homo vagus & extorris, non habet vbi pedem figat, & iam Regna vult occupare. Colligit ad suas Scholas vtriusq; sexus iuuentutē. Vtriusq; sexus? Redibit ergò quod sperat ille, tacēs, nos autē veremur & timem⁹, impurissima Adamitarum Secta, ex Bohemia & Moravia magno labore eiecta. Quanta vastitas agrorum, in Maiore Polonia cōspicietur? quæ magno sumptu Rataios fouet, vt campi excolantur; maiore autem impensâ, illos foueri oportebit, si ad Comemanas, hoc est fumosas portas (vereor ne cum Turcogracis sentiat) promiscua vtriusq; sexus iuuentutis multitudo confluet. Quis verò fila trahet? At nulla mulier honesta, vt certò mihi persuadéo, filias suas ad has promiscuas colluuias Scholas mittet: cum & in benè moratis Regionibus, sæculares velo obducantur, ne prospectui prophano pateant; Religiosæ autem & Deo consecratæ, claustris contineantur. Sed Hæresis iam per Germaniâ, aliasq; Regiones, Claustra omnia cum Ecclesijs perfregit, & impurissimo Luthero Duce, violauit. Optat verò & obtestatur. (verba ipsius refero) Sapientiæ Studia non ampliùs Latinis solum literis tradi, vt Scholis incarcerationa detineantur, quemadmodum hætenus, summò vulgi vulgariūq; linguarum contemptu & iniuriâ factū est, sed vt cuiq; genti suomet sermone omnia tradantur. Hoc igitur agit, vt exclusâ linguâ Latinâ, qua Ianuam, Subdolus artifex exposuit, sua quilibet vernaculâ linguâ artes tractet: quod dum fiet, mera regnabit barbaries. Tres illæ linguæ, Hæbraica, Græca, & Latina, quas Christus Dominus Sanguine suo consecrauit, & quibus Titulos suos in Cruce inscribi voluit, quonam pacto conseruabuntur? At hoc iam olim Serenissimi Regis Poloniæ STEPHANI Theologus, Stanislaus Socolouius, cum cerneret Sacramystica, magna, ab hominibus animalibus prophinari, vulgusq; ad vulgaria reuocare omnia, in Iusto Ioseph prospiciebat. His, inquit, tribus linguis, tanquam mundissimis vasis, confractis aut neglectis, omnem eruditionem, omnem antiquitatem prophinari, atq; aboleri necesse erit. Quod non ita pridem à maioribus nostris probatum fuit: & ne iterum, posteritas probe, vehementer metuendum est. Iam enim à lō-

A 3;

gè pro-

gē prospicio nubes ac nebulas quasdam, quæ magnam stragem
& calamitatem huic Segeti minari videntur, nisi iustis præmijs
hominum ingenia, studium, atq; industria, excitentur. Hastenus
Socolouius. At nouus iste Scholarcha, quàm varius & inconstas
est? quàm sese partes versat in omnes? nunc ait: Quidquid diffi-
cultatum & molestiæ adferunt Scholastica studia, eas humeris su-
is Præceptores sustineant: discipulis nihil, præter imitandi auidi-
tatem facilitatemq; relinquentes. Hæc sunt crustula blandi Do-
ctoris. Deinde verò ait: Didacticæ nostræ Prora & Puppis esto,
inuestigare modum quo docentes minùs doceant, discentes verò
plus discant; Scholæ minùs habeant strepitùs, nausæ, vani labo-
ris, plus autem otij, deliciarum, solidique profectus: Respublica
Christiana, minùs tenebrarum, confusionis, dissidiorum,; plus
lucis, ordinis, pacis, tranquillitatis. Videte quam altè à Scholæ fe-
rulis, ad Reipublicæ fastigia conscendit? & ne quid sua authorita-
te facere videatur, ecce nescio quorum Antistitum & Patronorum
voluntatem & iussum præterdit. Scripta hæc sunt, inquit, à no-
bis, & descripta typis Antistitum, & Patronorum Ecclesiarum hu-
ius loci (post solennem nuper, solenni in Conuentu factam, deli-
berationem,) voluntate & iussu; non vt irent in publicum, sed
vt communicarentur illis quorum interest. Quorum Antistitum
& Patronorum? vno verbo dixisset Hæreticorum. Viueres nunc
Andrea de Bnin, Episcopo Posnaniensis? Quid autem istud est,
non vt irent in publicum, nisi clandestinè? vt ijs communicaren-
tur, qui vel essent coniurati, vel abduci specie vtilitatis publicæ
incauti possent, specioso illo, vt, *πῶτες, πῶτα, πῶτως*, omnes, om-
nia, omninò, sciant? Ita serpens, in Paradiso: *Eritis sicut Dii,*
scientes bonum & malum. At Christus Dominus, æterna sapi-
entia, in sua Schola dicit: *Qui potest capere, capiat.* Et S. Paulus
ait: Dona dari vnicuiq; iuxta mensuram. Hæc ideò comme-
morauī prolixiùs, quòd iam spargi fumosam istam Scholarum,
rationem per Volhiniam, à viris fide dignis intellexi. At nos
Dei Vnius & Trini, & Cælitum, omnium opem, voce Ecclesiæ
imploremus: *Gentem auferte per fidem, credentium de finibus.*
Venio iam ad Causas: Cur *Operarij pauci*? Causæ duplices
sunt: Internæ, & Externæ. De Internis, copiosè iam heri, ab
Illustris-

Illustrissimo & Reuerendissimo Domino, qui huic Sacro Conuē-
tui præest, audiuimus. Vtinam ea firmiter cordibus nostris in-
hæcant, vt fructus condignos Ecclesiæ Dei, his admonitionibus
verè paternis excitari, adferre queamus. Nolo igitur prolixè
Causas internas referre; vnà tantùm eaq; breuī contentus. *Quod*
sis, esse velis. Sacerdos es: fac igitur ea quæ Sacerdotem decent.
Sacerdotium est Ordinis Sacramentum: oportet ergò, vt quilibet
nostrum sit ordinatus. Ordo autem, in rerum dispositione aptus
& concinnus consistit: itaq; prouidendum est, vt actionum, no-
strarum Sacerdotalium series, publicè & priuatim, ad Dei laudē
disponatur. Isto modo fiet vt populus à nobis efficaciter doceat-
ur. Communiter autem, quales sunt Doctores, tales fient Audi-
tores, & communi sententiâ, *Plus exempla nocent, quàm præce-
pta docent.* Ante omnia verò, doctrinæ, vitæ conformis sit. Ne-
scit enim vulgus Metaphysicas distinctiones; vt vitia quidem Sa-
cerdotum detestetur, Sacerdotes autem ipsos diligat, & honore,
duplici prosequatur. Disputationes de Fide, ad mensam & po-
cula, cum Hæreticis caueamus: si quid tale occurrat, in templo cū
inuocatione Spiritûs Sancti, cum omni reuerentiâ, in habitu de-
centi, cum superpelicio fiat; si quid difficilè obijciatur, illud Me-
dicorum vsurpemus: *Si interrogatus velociter respondeas, dubitan-
dus es:* ac genibus in terram procumbentibus, Spiritûs Sancti
gratiam calitùs inuocemus. Sermo omnis ad populum, sit ex
Sacra Scriptura, ex Sanctis Doctoribus, ex Ecclesiæ Catholicæ Hi-
storijs, & Conciliorum Sanctionibus: ita fiet, vt nobis illud
comperat Christi Domini dictum: *Non vos estis qui loquimini.* Præ-
ter hæc verò, simplicitas antiqua Sacerdotalis retineatur: Adsint
tamen Serpenti oculi, in columbino corde; iuxta illud Christi
Domini: *Esote prudentes sicut Serpentes, & simplices sicut columba:*
ad percipiendas mundi & Hæreticorum fallacias, quæ fucatâ spe-
cie blandiuntur, & incautos decipiunt. Quilibet autem vocatio-
nem suam inspiciat, & stationem non deferat. Presbyter es? at-
tende ne quid puerile, ne quid iuuenili affectu committas. Cano-
nicus es? ergò regularis. Canon enim, Regula est. Vide igitur
ne quid hiet, ne quid protuberet, ne quid deliret amissis. Mona-
chus es? sede solitarius, & tace; iuxta Hieremiam, Prophetam.
Plura

Plura qui vult, velle autem omnino debet; reperiet in Sermone Reuerendissimi Domini Martini Cromeri, quem ante propè Cē- tum annos, habuit in Synodo Pericouienſi. Dignus eſt, vt ab omnibus Sacerdotibus, vel quolibet die, legatur. Sed iam venio ad Cauſas Externas, quæ poſſent inueniri plurimæ: ſed nunc ſufficient duæ. Prima eſt, Præcipitatio hæreditatis Domini. Ait prudens illa mulier, in libris Regum: *Quare præcipitas hæreditatem Domini?* Dos Eccleſiaſtica, iſto nomine lo- et à Sanctis Doctõribus appellari, firmata non lege humanâ, quæ exceptionem aliquando patitur, ac ſi erronea ſit emendari & corrigi poteſt; ſed voce ipſius Chriſti Domini, cuius verba, cœlo ac terrâ tranſeuntibus, nun- quàm præteribunt: *Reddite quæ ſunt Cæſaris, Cæſari: & quæ ſunt Dei, Deo.* Centum iam anni complentur, cū vno anno locuſtæ, altero peſtis, tertio ingens ſiccitas & fames, per Polonia Regnum graſſarentur. Memoria proditum eſt Annalibus fide digniſſimis, Leonardum olim Eccleſiaſten ad Diuæ Virginis Cracouien- ſem, ac deindè Episcopum Camenecenſem, cū de iſtâ præcipi- tatione hæreditatis Domini concionaretur, illud Nucilli ad Me- rugos magnâ cum grauitate, uſurpâſſe. *Quæritis inter vos, vnde fames publica, & tot incommoda? Non ſunt hæc vitia terrarum: Nihil imputemus aſtris: nec rubigo ſegetibus obſuit: nec grando fruges necauit. Sacrilegio annus exaruit. Neceſſe enim erat om- nibus perire, quod religionibus negabatur. Denegatur autem ſub largiſſimis, quod pauciſſimi præſtiterunt. Non mirum erit, ſi totæ familiæ exſcinduntur, quemadmodum Achab cum vxore, filiis, & conſiliariis, ob iniurias Nabotho & alijs factas, exciſus eſt. Placent vobis Hæreticorum, qui iam circum omnia fora, omnia templa graſſantur, conſilia; hoc eſt, verba præcipitationis: Audite Daudis oraculum: *Dilexiſti verba præcipitationis, lingua dolo- ſa; propterea Deus eruet te, euellet te, emigrabit te, & radicem tuam de terra viuentium.* At iam arbitrij & compoſitionis remedium adhi- betur. Si quidem id fiat ex corde ſyncero, cum integritate, & ſan- ctâ obſeruatione illius: *Reddite quæ Dei, Deo: Ecce quam bonum & iucundum, habitare fratres in vnum:* at ſi molliſci ſunt ſermones, ſi- cut oleum, & ipſi ſunt iacula; vereor ne compoſitio talis fiat, qua- lem olim Pilatus, inter Chriſtum Dominum & Iudæos, compo- nere*

conabatur. Seorſim cum Chriſto Pilatus ait: *Genſtua & Pon- tifices tui, tradiderunt te mihi: Potestatem habeo dimittendi te:* Et alia. Separatim deinde cum Iudæis: *Nullam cauſam mortis, in illo inuenio. Flagellatum, vel quæ Pilati nullam cauſam inuenientis impuden- tia eſt; Emendatum dimittam.* Talem olim compoſitionem audi- ente, Sereniſſimo Rege STEPHANO, Feriâ Sextâ magnâ, Stani- ſlaus Socolouius, de ſorte & hæreditate Chriſti Domini, Eccleſi- aſticis inquâ bonis, expoſuit: nempe vt ea quæ reddita non ſunt, debitori condonentur: in futurum aliquid promittatur. Hæc ni- mirum Pilati formula eſt: *Emendatum dimittam.* Sed qui tradit Chriſtum innocentem, ad flagellandum: tradet paulò poſt ad crucifigendum. Qui enim ſulto & erranti populo concedit par- ua, concedet deinceps & magna. At ne iſti raptores, & iniuſti hæ- reditatis Domini uſurpatores, hac ratione diſceſcent: fiet ſimile illius, quod ſanitatis corporum humanorum cuſtodes, Hyppo- crates & Galenus ſolent frequenter uſurpare: *Impura corpora quò magis nutries, eò magis ledes.* Vel vt Sanctus Auguſtinus ait: nouem partes peribunt, vix decima ſola remanebit. Nos ve- rò feramus patienter, memores noſtræ vocationis ac diuinæ pror- ſus illius doctrinæ: Catholicorum eſt, ſed præcipue Sacerdotum, bona agere, mala pati: per ſpinas peruenire ad roſas; per ſentes ad vias; Non decet eſſe membrum delicatum, ſub ſpinis coronato capite. Huius autem præcipitationis ſortis & hæreditatis Domi- ni, effectus præclare deſcribitur, à Socolouio, ad Reuerendiſſimū Dominum Archiepiſcopum Gneſnenſem, Staniſlaum, Carnco- uium: Non Altare Sacerdotem: non Cathedra Doctorem: non chorus Cantorem: non Schola Magiſtrum: non Aula ipſa Scri- bam: non Reſpublica ſua ornamenta habebit; nam & iſti catelli de huius ſponſæ micis in hac Reipublicæ paupertate, viuere, atq; educari ſolent. Sed & iſti ipſi, ſorte Domini non ampliùs ditabū- tur, ex obſcuriſq; clari euadent. Sed de his nunc ſatis. Altera Cauſa paucitatis Operariorum eſt, Miſſio iuuentutis ad Scholas Hæreticorum: quâ peſte an aliqua grauior & peſtilentior ſit, non video. Vidit hoc olim prudentiſſimus Rex, Pater Patriæ, SIGISMUNDVS Primus, qui publico edicto vetuit, ne ad Scholas Vittebergenſes incolarum Regni Polonia iuuentus mitteretur.

Factus est hoc ipsum summo cum dolore, ad Sanctos Patres in Oecumenico Concilio Tridentino congregatos, Stanislaus Orichovius, Ruthenus, multis annis, filiquis porcorum Saxoniorum, Lutheri, & Melanthonis pastus. Viderunt hoc idem, multi Catholice veritatis affectores zelantissimi, Stanislaus Hosius, Stanislaus Carnouius, & alij, qui passim in Scholas & Collegia Catholica, ubi necessitas tunc exigebat, erexerunt. Absq; illis sanctae memoriae Viris, sic enim nominandi sunt, quid iam verae & Catholice Romanae Ecclesiae fidei, in Polonia reliquum fuisset? Docentur, ut à nonnullis iactari audio, Humaniores literae apud Hæreticos: Sed utinam diuiniore, iuxta Sanctorum Patrum normam, doceantur. Discant ibi simul cum Grammatica Hæreticorum, ut illi solent transire de genere in genus, declinare à Catholica Ecclesia. Discant coniugare omnes damnatos errores; ut cum diuissim non valeant, coniunctim possint Catholicam veritatem, oppugnare. Discant oppressos, ac apud inferos iam sepultos, Hæreticorum Syllogismos, à quibus olim Sanctorum Patrum doctrinam, pietate, orationibus, ieiunijs, ac bonis exemplis Ecclesia liberata est: illos autem antiquos Catholicam religionem, conseruandi modos, in Hæreticorum Scholis nunquam discant. Vetus enim illa, ad Ecclesiam & Rempublicam accomodata, ratio docendi, fuit duobus versiculis comprehensa. Quatuor in templo Clerus, sciat esse tenenda. Grammaticam, cantare, Calendas, & Canonum Ius. Quod ad Grammaticam attinet, est per Dei gratiam, unde illam discamus: tot Collegijs, per totum Poloniae Regnum, fundatis. Vnum illud solum aduertendum est: ut initium sapientiae, sit timor Domini. Laudabile olim institutum fuit, à temporibus adhuc Diui Adalberti Bohemorum, Vngarorum, Polonorum, & Prussorum, ac omnium Slauinarum gentium, Apostoli, simul Ecclesias & Scholas extruere; hoc est simul pietatem & literas omnibus instillare: quæ sancta Institutio ut conseruetur, non sit Plebanis turpe, ad Scholas inspiciendas, & prudenter ad vsum Ecclesiae disponendas, descendere. Alterum est, Cantare. Vetus illa ratio canendi choralicantus, quæ antiquis dicebatur Spondæus, vel Dorius modus, castitatis ac temperantiae largitor, passim perit & aboletur: inducuntur autem, ebrij sæpè cerebri inuentiones.

Dactyl.

Dactylica tripudia, à grauitate Ecclesiastica, prorsus aliena, ac in dies ista succrescunt; ut verissimum sit illud vetus: Musica, per Deos perinde ac Lybia semper quotannis nouam quampiam feram parit. Dicebatur olim, Cantores vidi plurimos, Musicos paucissimos: quod Cantoris esset canere; Musici autem per causas, tempori, loco & personis accommodatas, modos attemperare; nunc verò vocum istarum significatio prorsus immutata est. Iam dicuntur Musici, etiam qui Versos circumducunt: qui benè & modularè, ad veterem Gregorianam normam canant, paucissimi sunt. Turbae olim talium per Scholas vagabantur, classibus distinctae, ut iuxta cantus cognitionem, vel primi, vel secundi, vel tertij dicerentur: Pulchrum nempe putabatur, si in primis non possent, in secundis saltem, vel tertijs, consistere. Grauiissime monuit Eminentissimus Cardinalis Bellarminus, in Commentario super *Psalmum 32.* ubi ostendit, ex Sancto Benedicto, in sua Regula, Psalmodiam esse opus Dei, & ideo cæteris operibus anteponendum: tum ex Sancto Bernardo, qui *Sermone 47. in Cantica*, monet, ut purè semper, & strenuè, diuinis assistamus laudibus; non parcentes vocibus, non præcidentes verba dimidia, non integra transilientes, non fractis & remissis vocibus muliebri quiddam balba de nare sonantes, sed virili, ut dignum est, & sonitu, & affectu, voces Sancti spiritus depromentes. Idem verò grauiissimus author repetit in *Psalmum 41. circa Titulum*: In finem intellectus filijs Core. Titulus (inquit) admonet filios Core, quibus dabatur Psalmus cantandus, ut intelligant quæ canunt, & auditores intelligere faciant. Quæ admonitio, Cantoribus Ecclesiasticis memoriae commendanda est. Cantus enim in Ecclesia spiritui deseruire debet, & non soli aurium oblectationi. Et sicut qui intelligenter & deuotè canunt, animos audientium rapiunt in Deum: ita qui theatrales modulos in Ecclesiam inuehunt, de domo Dei scænam mundi faciunt. Vide S. Hieronymum in *cap. 5. ad Ephesios*. Sed hæc eadem, in *Psalmum 136.* Cantica, inquit, Sacra instituta sunt, ad mentem erigendam in Deum, & spiritum potius, quam corpus recreandum. Contra autem, nonnulli sunt, qui Canticum Babyloniae, in domum Dei & sanctam Syon inducunt; illi videlicet, qui verba sacra modulis prophanis ita vestiunt, ut

qui audiunt, non tam verba considerent, quam prophanam modulatione attendant. Quæ Sancti & verè Spiritualis authoris verba ab omnibus considerari cupio, ut & illa quæ Iosephus Blancanus, grauissimè monuit, in explicatione locorum Mathematicorum Aristotelis. At ut breuiter concludam; Harmonia illa omnibus Catholicis, præcipuè verò Cantoribus & Musicis convenientissima est, in qua ut Sanctissimus Thomas Aquinas, in Hymno Ecclesiæ canit: consonant corda, voces, & opera. O Tricinium, Sanctissimæ Trinitati, ac toti cælesti Curia iucundissimum! Tertio loco ponit vetus Schola, Calendas, ut iuxta sapientis dictum: *Omnia tempora, habeant suum tempus*. Notum est omnibus, quantam sollicitudinem olim Ecclesiæ sanctissimis Pontificibus inuexerit, temporum à Sancti Concilij Niceni Canonibus deuatio: quod Sanctissimi illi Patres, Paschalis celebrationis rationem, determinauerint quidem; ne autem illa determinatio à Sede sua dimoueretur, ut erant cælestis pietatis potius, quam motuum cælestium studiosiores, Alexandrino id Patriarchæ, in cuius Schola præstantes Mathematici, Ptolemæi Successores habebantur, commiserunt. Sed ut deprehensum est postea: Quem lupo. Hæresis enim turbauit omnia; de qua re videantur Scriptores Ecclesiasticæ Historiæ. Nunciam Dei benignitate omnia, ad normam Concilij Niceni, reuocata habemus. Sola crassa Græcorum Schismaticorum barbaries, & ignorantia, vel obstinata Hæreticorum malicia, repugnat, ac nodum, in scirpo quærit. Ac quod sæpè miror, etiam Catholicorum Græcorum, qui in sancta vnione censentur, aliqua hic repugnantia conspicitur, ut recta docentibus circa Paschalem observationem obstant, non obstinatione aliqua Schismaticâ, uti opto, sed ignoratione Causarum, quibus res ista Ecclesiæ vnitati valde proficua concluditur. Nunquam ego illos esse verè Vnitos, credam, nisi quemadmodum vnus est Deus, vna fides, vnum baptisma, vnum quoque nobiscum Pascha confiteantur & celebrent; reliquis verò temporibus simul nobiscum laborent; simul à laboribus quiescentes Sanctorum festa & memoriam deuotè recolant: ac ne illud rudes è plebe Rutheni vsurpent: *Mnobo se Bohon narodito*: simul nobiscum Christo Domino è Virgine Sanctissimâ nato, aurum, thus & myrrham offerant. Vel isto corrente anno poterant:

terant advertere, quam aberrarint, celebratione Paschatis, in secundo Mense: quadragesimo sexto post æquinocetium die. Sic ià Græco-Russis incipiunt magni procedere Menses. Quæ enormis aberratio est, ex Wladicarum & Poponum durâ obstinatione procedens: quam nec Sol ad medium signi Tauri, vlti iustos Paschæ limites progressus, nec Luna, testis in cælo fidelis, ut appellatur in Psalmis: inflectere, & emollire possunt. Ecclesiasticus ait: A Luna signum diei festi, luminare quod minuitur in consummatione: illi verò quot diebus turpiter, à iustâ, & Niceni Concilij Canonibus præscriptâ consummatione digressi sunt? Da Domine ut videant! Quadraginta annis & amplius, istam Quæstionem versavi, vtriusque partis argumenta diligenter considerans, non in chartis tantum, sed in ipsâ cælestium motuum observatione, possum aliquid, quantum Dei gratia permittet, in gratiam Gentis Slauonicæ & Wladicarum, vel scribere, vel dicere, si modò detur celebri aliquo loco occasio, & commoditas. Ornari res ipsa negat, contenta doceri. Nam quod nonnulli Græcorum autoritate seducuntur, vereor ne quemadmodum idem est dicere, Ad Kalendas Græcas, quod nunquam; idem quoque sit dicere Kalendarium Græcum, hoc est erroneum & nullius momenti. Notum est vetus Ciceronis de Græcis iudicium: quod ille aliâ illi nationi addictissimus, in luce fori Romani, de toto genere Græcorum pronunciauit. Tribuo, inquit, illis literas, do multarum artium disciplinam, non ad imo sermonis leporem, ingeniorum acumen, dicendi copiam, denique si qua sibi alia sumunt, non repugno: testimoniorum fidem & religionem, ista natio nunquam coluit, totiusque huiusce rei quæ sit vis, quæ autoritas, quod pondus, ignorat. Hæc grauissimus Sapientiæ & Eloquentiæ Romanæ parens, de Græcis. Fit autem ut cum in eo subiecto diuersa complicantur iuxta illud: Sunt bona, sunt mala plurima; sunt mediocria multa; bona & mediocria si pereant, mala tandem contrariò sublato augeantur. Et ita factum est in illis Regionibus. Et Græcia facta est Turco-Græcia: tellus habitabilis olim, nunc celebres mergis, fulcibusque palustribus vndæ. Artium cultura periit, nulla eruditionis & sapientiæ, nulla scientiarum & eloquendi ratio; ac ut inquit ille, *in Latium spectis Academia, migrat Athenis*. Sed obij-

ciēs: Cicero ista refert ad iudicia-fori Romani. At ego dico, ad diuina quoque testimonia credibilia nimis, vt ait Dauid, referri posse conuenienter ad mentem Ciceronis; qui grauitur, hoc est Romano iudicio, Græcorum leuitatem in Homero sapientiæ Græcæ fonte notauit, primo Tusculanarum quæstionum libro: *Humana*, inquit, *ad diuina transferebat, diuina malle ad nos*. Reman- sit ergo illa vetus leuitas Græca, quam etiam veteres Comici no- tarunt. Cætera, inquit, quæ volumus, Græcâ mercamur fide. At Slaui- narum gentium alia conditio, alia proprietas est; inter quas simulatio scelus, & quæ solâ simplicitate & veritate, plurimis gen- tibus palmam præripientes, nunquam in corde, & corde loquū- tur; vt vel ex ista origine, & propriâ gentis laude spes bona sit, Ru- thenos à Slauinis deductos, Pascha verum nobiscum in sanctâ v- nione, in azymis synceritatis & veritatis, celebraturos. Quantum est in Scholis necessarium Ius Canonum, quorum cognitio ab A- postolorum Canonibus, vsque ad nouissima post Sanctum Conci- lium Tridentinum tempora Clero valde necessaria est. Ex his e- nim omnes controuersie deciduntur. Ex his & doctrina Casuum conscientie, quæ passim per Collegia docetur, consequenter velut ex fontibus derivatur. Hæc etiam nil aliud sunt, quàm Sacrarum literarum & Theologiæ compendiosa, ad mentem sanctæ Eccle- siæ Catholicæ collectio. Atque hæc in Scholis tractari, ad vsum Ecclesiæ conuenit. Sic enim prodibunt Operarij multi, fideles, boni, ad messem cælestis agricolæ, æterni patrifamiliâs. At vos ô generosæ Slaui- næ gentes, reuocate vobis in memoriam, qui O- perarij vos fidem docuerint. An non Sancti Cyrillus & Methodi- us? Græci quidem fuerunt illi & Constantinopolitani; sed non illi leues, verum Romanâ & Catholicâ constantiâ firmati. Vn- de autem facultatem sumpserunt Slaui- nicâ linguâ Sacra celebrâ- di? an non à Nicolao Primo, Pontifice Maximo, quod Ecclesia- sticæ & vernaculæ nostræ, testantur Historiæ? At quemadmodum hic Cognominem suum Concilij Niceni, inter tot Sanctos Epi- scopos cooperatorem Sanctum Nicolaum, Myræ Episcopum, summò honore coluit, inde factum est, vt ad honorem & memo- riam vtriusque, in Ecclesijs omnibus toto Septemtrione diffusis, v- bicunq; Slaui- næ gentes dominantur, magnamque Orbis partē occupant,

occupant; Sancti Nicolai imagines, passim conspiciantur. An ignoratis, experientissimo teste Meletio Smotricki, Calvinistarum errores, iam inter Stambolitanos Turcogræcos Patriarchas radi- catos esse? Concedite illis non nihil: dent vobis blandi isti Do- ctiores crustula, vt illorum Elementa prima discatis, breui fiet, vt quod crudeliter in Germania, Batauia, Anglia, & Scotia fece- runt; apud vos quoque tum Sanctissimæ Dei Genitricis, quam nos vnâ vobiscum *Bogârodzicam*, & *Perecistam*, à prima religionis in his Regionibus origine vocamus; tum Sancti Nicolai, Cyrilli, & Methodij, Apostolorum vestrorum, & aliorum Patronorum san- ctæ & venerandæ imagines, vnâ cum verâ fide, eijciantur. Per Hæreses & Schismata, Græciæ imperium à Turcâ oppressum, pe- rijt: provide ne per eandem Hæreses & Schismata Machometis- mus & Atheismus serpat & promoueat: Olim in Græcia pro- uerbio dicebatur: propter puerū, mater omnia facit; propter ma- trem omnia Themistocles, propter Themistoclem omnia faciunt Athenienses: Ergo propter puerum, omnia faciunt Athenienses. Provide ne apud vos simile aliquid consequenter concludatur. Propter Turcam omnia facit Patriarcha Constantinopolitanus; Propter Patriarcham, omnia Metropolitæ & Wladicæ; Propter Wladicas, omnia Popones, à quorum ore non dico quàm docto, quàm literis & cognitione Sacrarum Scripturarum exulto, pen- detis: Ergo & vos propter Turcam omnia facietis. Sic cum vestrâ Græcâ fide; Sic vestro diuisū Imperiū cū Ioue Turca tenet. Auer- tat Christus Dominus, messis cælestis agricola: qui vt hanc nostrâ Panegyrim congregauit; ita Regionem istam, pietate quondam ce- lebres, ab Hæreticorum colluie, à Schismaticorum pertinaciâ, ab omni denique Machometismi & Atheismi impietate defen- dat & liberet: vt eidem possimus lati & alacres, portantes mani- pulos nostros, occurrere: cui cum Deo Patre, & Spi- ritu Sancto, sit honor & gloria in sæcula sæcu-
lorum, A M E N.

